

GROWTH DISTURBANCES

هنبداً بمشيئة الله نكمل الـ chapter الرائع اللي كله category A..
لأني في آخر الـ chapter ده هتكلم عن الـ neoplasia؛ ألا وهي بلغة الـ pathology
لخبطة في الـ growth.

وأخذنا المرة اللي فاتت أول لخبطة.. عندما تؤذى tissue تبدأ خلاياه تصغر في الحجم
وده سميناه atrophy، وقسمناه physiological & pathological.

وملخصه إن Atrophy has no relation to neoplasia، يعني عندما يؤذى نسيج وتصغر
خلاياه في الحجم مايقلبش سرطان لأن السرطان فيه الخلايا تبدأ تتكاثر في العدد لكن الـ at-
rophy هو صغر وليس زيادة.. الـ atrophy في الـ size وليس في الـ number.

طيب بناخد الـ atrophy ليه؟؟ بيفسرنا أمراض أخرى سيتم دراستها في المنهج فيما بعد..
ولكن تاني growth disturbance هناخده النهارده ومالوش علاقة كبيرة بالسرطان اسمه..

Hypertrophy

وبتكتبوه في الامتحان hyperAtrophy وده غلط اسمه hypertrophy.
من غير ما أقول تكتبه عليه category A، كل الـ chapter ده category A لازم يبجي في
الامتحان لو ماجاش يبقى اللي حاطط الامتحان ده مش دكتور pathology.
يعني إيه كلمة hypertrophy؟

:Definition

الـ hypertrophy ده disease ولا حاجة في كلية زراعة؟؟ Disease يبقى لازم يبدأ بـ defi-
nition.

trophy = nutrition .. Hyper = increase

فهم كانوا بيتخيلوا زمان إنه بيتغذى كتير فيتخن «يسمن» ولكن..

Scientifically, **hypertrophy is increase in size and weight of the tissue or the
organ due to increase in the size of its containing cells**

VISIT...

LANZAROTE
Caliente.COM

ال organ أو ال tissue كبر عشان حجم خلاياه كبر.

إحنا إمتى خلايانا بتكبر؟ **To meet increased functional demand**.

أنا طلبت منها إنها تعمل أكبر ما في وسعها فعشان تقدر تتأقلم معايا كبرت في الحجم.

كل ال organs في جسمنا تقدر تكبر ويصاحبها زيادة في العدد إلا organs معينة تكبر في الحجم بس ولا يصاحبها زيادة في العدد وهي ال permanent cells.

وبالتالي دائماً *hypertrophy* بيبقى معاه شوية *hyperplasia*, ولكن *pure hypertrophy* ما يحصلش إلا في ال *striated muscles*, لأن ال *striated muscles* لا يمكن أن تتكاثر في العدد لأن إحنا بنتولد بعدد معين يقل لكن لا يزيد.

To summarize

Hypertrophy هو increase ولا decrease ؟ Increase.

في ال size ولا في ال number ؟ In Size.

هدفه؟ To meet increased functional demand. لأن إحنا حطينا عليها عبء فهي بتحاول تتأقلم مع هذا العبء.

(Pure hypertrophy occurs only in striated muscles (cardiac & skeletal

رغم إن المخ permanent cells إلا إنه ما يحصلوش hypertrophy؛ مفيش nerve cells يحصلها hypertrophy.

اديني example عشان أفهم..

Etiology and Types

1. Physiological Hypertrophy

مش بسبب مرضي، وأشهر مثال على increase in cell size to meet functional demand هي الصورة دي: فيها بنت بتكلم أخوها اللي في بطن أمها.

Normally ال uterus في non-pregnant female بيبقى حجمه أد إيه؟ أد قبضة الإيد «1x2x3 inches»، لو جيت وحطيت إيدي في بطن أي بنت قاعدة مش هحس ال uterus لأن ال uterus is a pelvic structure.. مايتحسش.

خلي البنت دي تحمل:

عند الأسبوع الـ 12 هعرف أحس الـ uterus بإيدي عند الـ symphysis pubis.

عند الأسبوع الـ 20 يوصل للـ umbilicus.

وعند الأسبوع الـ 36 يوصل للـ xiphi-sternal junction.

الحمل بالأسابيع وليس بالشهور، اللي يحسب الحمل بالشهور دي الداية وأنتم دكاترة.

والحمل ٤٠ أسبوع، وعلى الأسبوع الـ ٤٠ ماينفعش يطلع لفوق أكثر من كده لأن الـ xiphi-sternal junction عند الـ diaphragm، فيقلب لقدام ويحصل -shelving، فتلاقي البنت بطنها بَوْدَت وَيَقَى midway between sternum and umbilicus بس يكبر بالعرض، والفلاحين يعرفوها؛ تيجي واحدة تشوف واحدة حامل تقولها مبروك يا حبيبتي إن شاء الله الأسبوع الجاي هتولدي، تقولها عرفتي منين يا حاجة؟؟! ترد تقولها بطنك بوذت..

في نهاية الحمل الـ uterus اللي كان حجمه 1x2x3 inches بقى طوله 50 cm، بسبب إن الخلايا زادت في العدد ولا كبرت في الحجم؟؟ كبرت في الحجم.

The best example of physiological hypertrophy is pregnant uterus under hormonal stimulation

تاني example هو الصورة دي؛ ورجعنا للبهائم تاني..

شوفوا الواد من دول الـ biceps بتاعته أد الـ quadriceps femoris بتاعتي!!

هل الخلايا في الـ biceps عنده زادت في العدد؟؟ لأ؛ ليه؟ لأنها permanent cells لا تتكاثر في الـ normal conditions. لأن إيه الـ functional demand اللي حطها الحمار ده؟؟ بدأ يعمل عليها workload فبالتالي كبرت في الحجم.

يبقى أحسن example على الـ physiological hypertrophy هو الـ pregnant uterus under hormonal stimulation وكمان الـ **muscle building** في العيال اللي بيلعبوا كمال أجسام بشكل صحيح.

لأن أنا ممكن أكبر حجمها بشكل غير صحيح ودول بيعملوها pathological، يروح الجيم وياخد growth hormone، يروع عيل من المعصعين بتوعنا يغيب أسبوعين وييجي يبقى مش عارف يدخل من الباب ويقولك أصل أنا رحت الجيم وبقيت أشيل حديد، بس كل اللي حصل إنه راح لواحد أهبل قاله خد الحقن دي

اسمها deca durabolin أم ١٧٥، ده androgen بيزود ال metabolites جوه ال -muscle glycogen وده يخلي عضلاته تتنفخ بس بيبقى ضعيف جداً؛ هم دول بقى ال pathological. لكن ال physiological عبارة عن workload.

2. Pathological Hypertrophy

عبارة عن نوعين كبار.

a. Adaptive Hypertrophy

يعني إيه كلمة adaptation؟؟ التكيف، ويعني إيه تكيف؟
إحنا فيه organ في جسمنا hollow organs؛ يعني إيه hollow؟ يعني ليها lumen.
ليه ربنا خلقها lumen؟ لأنها بتضخ حاجة.

ال hollow organs زي إيه؟ - Heart (ventricles), urinary bladder, stomach, intestine.

لو حصل obstruction in the lumen يزيد ال intraluminal pressure، سعتها ال - muscle coat (smooth muscles of this organ) يبدأ يزيد في الحجم عشان ي overcome this obstruction، وده سموه adaptive hypertrophy.

It occurs in the muscle coat of a hollow organ due to increased intraluminal pressure

اديني **example** على الكلام ده..

أشهر example الصورة اللي دي: زي ما إنتو شايفين ال left ventricle is markedly hypertrophied، ليه؟ لأن العيان ده عنده systemic hypertension ضغط، وهو بيضخ against resistance.. عشان يتعايش بدا القلب يكبر عشان ييضخ against resistance، وتاني حاجة بردو في ال aortic valve stenosis؛ يعني لو ضيق هيحاول ي overcome.

يعني ده حلو ولا وحش رغم إنه adaptive؟؟ وحش لأنه - pathological.

يعني هو ده هيساعد العيان؟ آه في الأول هيساعده لكن بعد كده سوف ينقلب السحر على الساحر، لأن أنا قتللكو إن الـ hyper-trophy is increase in size لما الخلية تزيد عن حجمها محتاجة يزيد لها الـ blood supply وللأسف مش هيزيد الـ blood supply فبالتالي يبدأ يحصل decompensation بعد شوية وعشان كده هل هي حاجة حلوة إن الإنسان يبقى كبير؟؟ لأ ده مرض؛ hyper-trophy.

يبقى أول example على الـ adaptive هو: **left ventricle hyper-trophy due to hypertension or aortic valve stenosis**.

تاني example اللي قصادكم دي urinary bladder بتاعة فلاح مصري؛ وعندما تذكر مصر تذكر الـ bilharziasis.

تيجي أكثر في منطقة الـ neck of urinary bladder وبعد شوية تـ heal by fibrosis، وفي محاولة من الـ urinary bladder إنها تخليه يتبول بتلعب حديد فيحصلها الـ hypertrophy of the wall.

الـ cells بتاعتها تكبر في العدد مش في الحجم ودي طبعا خطيرة لأن الـ blood supply مايزيدش.

فيحصل hypertrophy of urinary bladder في حالة **bilharzia** أو **tumor neck of the bladder** أو راجل عجوز عنده **pros-tate كبيرة**.

إيه كمان؟ الصورة دي.. حاجة اسمها barium meal، الـ barium ده مادة مشعة. «فيلم الـ X-ray قبل ما يقع عليه X-ray يبقى أبيض ولا إسود؟؟ شفاف؛ لما يقع عليه الـ X-ray يسود.»

الـ GIT مافيهوش minerals مافيهوش ملح يمنع الـ X-ray، فلو رحتم تصور الـ GIT مش هتشوف حاجة؛ العضم ليه بيان في الـ X-ray؟؟ عشان فيه calcium. طب الـ blood بيظهر؟؟ آه طبعا بيان أبيض لأن فيه حديد والحديد mineral. مفهوم اللي بقوله؟ الإنسان عشان يفهم محتاج base.

العيال اللي بتتولد عندها **congenital hypertrophic pyloric stenosis** كل اللي بياكلوه بيرجعوه، وفي محاولة عشان الواد يعيش

ال wall of stomach تبدأ تكبر عشان ت overcome the obstruction.
tion، فإحنا شربنا الواد barium عشان نشوف ال stomach.

إيه كمان؟ أي organ لو حضرتك عملت obstruction لل lumen
بتاعه هيحاول ي overcome this obstruction.

ال intestine ال lumen بتاعها يضيق بس مايقفلش خالص، لو
قفل يبقى acute obstruction والإنسان يموت في ٦ ساعات.

وفي محاولة من ال intestine إنها ت overcome يحصلها hyper-
trophy.

في كل ده حصل hypertrophy عشان يتكيف مع ال increased intraluminal pressure
sure؛ ومن هنا سميناها adaptive hypertrophy.

b. Compensatory Hypertrophy:

تاني example على ال pathological hypertrophy الصورة دي.. دي
قصة زميل ليا..

طبعاً إنتو عارفين إن أي مدخن نهايته Bronchial Carcinoma بـ
mechanism 4800 إن لم يمت بـ Emphysema.

يحكي في قديم الزمان كان ليا واحد صاحبي نائب cardiothoracic؛
جراحة قلب وصدر، وعلى فكرة دول مش صفوة الطب؛ دول العيال
اللي بيقووا طالعين بمادة عكس ما إنتو متخيلين، فجاله واحد مدخن
عنده Bronchial Carcinoma على الناحية اليمين، وعلاجها إنهم
يستأصلوا الرئة اليمين، راحوا عملوا Right Pneumonectomy فبالتالي
كان الفص اليمين ده كله لونه أبيض عشان مافيهوش هواء -الرئة
بتظهر في ال X-ray سوداء عشان فيها هواء لكن لما تبقى ال tissue
كلها collapsed على بعض يظهر كل ده أبيض..

فقالوله بص بقى إنت يا تبطل سجائر يا إما هيجيلك في الناحية
التانية ومش هينفع تشيلها! وعموما إحنا مش بنثق فيك وكل ٣ شهور
هنجيبك تعمل X-ray.

أول X-ray عملها كان النص ده كله أبيض؛ بس السجائر بتعمل em-
physema انتفاخ هوائي في الرئة، فبعد ٣ شهور جاله العيان اللي شالوله

الرئة ويلاقي في الـ X-ray إن الرئة الشمال كبرت ودخلت على الناحية اليمين، شايفين الأسود اللي دخل على الناحية اليمين ده؟؟

الدكتور قاله إنت لسه بتشرب سجائر!! وهو في دماغه إن الرئة مش بتكبر إلا بسبب الـ emphysema اللي بتعملها السجائر، فالعيان قاله والله أنا ما بشرب سجائر ده كفاية العذاب اللي أنا شفته في العملية اللي فاتت. قاله هتنصب عليا؟؟ أmaal إيه اللي كبر الرئة بتاعتك هو فيه حاجة تكبرها غير السجائر؟! وراح حاجز العيا في قسم ٢٣ أو ٢٤.

فيه حاجة عندنا بتحصل في كل قسم من أقسام المستشفى اسمها المرور.. أساتذتنا الكبار بيطلقوا النواب على الشعب لأن تاني يوم هيمر الأستاذ يسأله: ها؟ عنده إيه؟ هتعمله إيه؟ هتعالجه بإيه؟

فاهمين؟ ده فكرة المرور عندنا.. التعليم.

فبالتلي لما شاف المريض قال أنا شفته قبل كده.. مش ده اللي عملنا له pneumonectomy من ٣ شهور؟؟

قاله آه.

فقال إيه الـ complication اللي حصل؟

قاله مصمم إنه يشرب سجائر!!

قاله عرفت منين؟

فقاله سألته فأنكر! بس إنا عملتلها الـ X-ray ولقيت الرئة الشمال كبرت ودخل جزء منها في اليمين، هو فيه حاجة يا بيه تكبر الرئة غير شرب السجائر؟! هو مفكر إني أهبل واكل بلوطة!!

قاله بقى هو اللي مفكر إنك أهبل واكل بلوطة!! ماتعرفش حاجة اسمها Compensatory Hypertrophy؟؟!!

النوع الثاني من الـ pathological hypertrophy اسمه compensatory.. ry يعني إيه compensation؟ يعني تعويض.

If one of the paired organs “lungs, eyes, kidneys,...” is pathologically diseased or surgically removed, the other organ will enlarge to compensate the pathological

لأن الي بوظ ال organ كان disease، يبقى ليه الثاني بيكبر؟ عشان يعوض .

طبعا هو كان حاجزه عشان يشيله الحته الزيادة!!

من ساعتها وزميلي ده بيسمع كلمة compensation يجيله -convul sions لأن الكلام ده حصل قدام الممرضة. ودائما أما تتعاتبوا كأطباء يبقى بينكم وبين بعضكم بلاش تنشروا غسيلكم ال*** قصاد ال -para medic persons، لأن الحكيمة مشيت في المستشفى كلها تقول للناس شايفين الدكتور ده كان هيشيل الرئة...

فاهمين حاجة؟!

:To summarize

increase in number ومعظم الأحيان يبقى معاه Hypertrophy is increase in size لكن pure hypertrophy بيحصل في striated muscles لأنها واحدة من ال permanent cells وبالتالي ماينفعش يحصل فيها proliferation.

النوع الثالث من ال growth disturbances ..

Hyperplasia

ومن غير ما أقول category A.

Hyper = increase, plasia = proliferation

:Definition

Hyperplasia is increase in size and weight of tissue or organ due to increase in number of cells

هنا الخلايا بدأت تتكاثر!

إنت مالك متضايق ليه كده؟؟

لأن السرطان خلايا اتجننت وبدأت تتكاثر، so what is the difference؟؟ هنشوف دلوقتي..

ال hyperplasia هي بداية السرطان.

Hyperplasia is increase in size and weight of tissue or organ due to increase in .number of cells

وده بيحصل في كل ال organs ماعدا ال (striated muscles permanent cell).

ال hyperplasia is reversible or irreversible؟؟ Reversible، يعني لو شلت ال -stim ulus ترجع لطبيعتها بس خطورتها إن بدأت الخلايا تزيد في ال number .
اديني example عشان أفهم.

:Etiology and Types

.1 Physiological Hyperplasia

أحسن example على ال physiological hyperplasia هو حجم ال breast في ال puberty، ال breast في ال females وهو under hormones يعني طبيعي كبر. هل كبر بسبب زيادة حجم أم عدد خلاياه؟؟ Mainly بسبب زيادة عدد الخلايا؛ يعني normal.

ولكن خطورة ال hyperplasia في كونها pathological..

.2 Pathological Hyperplasia

ودي بقي ٣ أنواع:

.a Hormonal Hyperplasia

يعني إيه hormonal؟؟ مش أنا قتللكو في ال puberty ال -hormones بتكبر حجم ال breast بس طبيعي.

لكن لو رحنا ادينا البنت دي excess hormones؛ وده كان بيحصل very common في ال 60s، دائما البنات كانوا بييجوا يكبروا حجمه وساعتها ماكانش فيه silicone implants، وتبارت الممثلات في تكبير حجم ال breast؛ وكانت دائما المنافسة بين فاييزة أحمد اللي غنت ست الحبايب ودي سورية وليست مصرية وبين شادية، واللي سبق كانت فاييزة أحمد سافرت مخصوص السويد عشان تعمل in-estrogen injection؛ حقنوها estrogen في ال breast، ده hormone بس هنا حقنوه physiologically ولا pathological-

ly؟؟(Pathologically (excess hormones).

فبدأت تتكاثر خلاياها أكثر وكبر في الحجم لكن بعدها قلب
سرطان bilateral وموتها؛ لأن أنا قتلته hyperplasia بداية ال
****.

يبقى أول نوع hormonal hyperplasia ← & endometrial
mammary gland hyperplasia due to excessive estrogen stim-
ulation.

وهكذا في الرجالة اللي بياخدوا Deca Durabolin يبداً يحصل
hyperplasia of prostate وتقلب بعد كده سرطان.

أخطر شيء هو اللعب بال hormones وعشان كده عمليات
تكبير ال breast مابقاش يستخدم فيها ال hormones وبقينا نستخدم
silicone implants.

يبقى ال hormonal hyperplasia دي precancerous or not؟؟
Precancerous؛ ابعد عنها ماحدش يعملها.

b. Irritation Hyperplasia

يعني إيه؟ إنتو عارفين لو دخلت bacteria جزء منها يمشي في ال
lymphatic وبالتالي تتكاثر ال lymphocytes عشان تتحدي ال bac-
teria، طيب لما تكاثرت تبقى hyperplasia لأنها زادت في العدد مش
كبرت في الحجم، وده بسبب ال irritation اللي هو هنا ال bacteria.

بعد ما خلصت الدكتوراه جامعة القاهرة سافرتني بره عشان
أتفسح مش أكثر، وأنا في لندن بصحى كل يوم متأخر الساعة ١٢
والأكل جوه المستشفى زبالة، وكنت بحضر حاجة اسمها seminar
يعني كانوا كل شهر يجيبوا الحالات المستعصية ويجمعونا يمكن
يكون فيه دكتور مخه مفتوح يقدر يشخصها، فكان فيه بنت عربية
عندها ال occipital lymph node كبيرة ودي صورتها، دي posterior
occipital lymph node، في العالم كله أشهر سبب إنها تكبر يا lym-
phoma سرطان يا germinal measles الحصبة الألمانية، ولكن البنت
دي أخذوا منها عينة وحطوها تحت ال microscope وكانت الصورة
موجودة لا فيها lymphoma ولا germinal measles، وأنا كنت دائماً

بنام في الـ seminar لغاية أما يبجي معاد الأكل أصحى، بس المرة دي
الراجل كان صوته خشن أوي وعمال يقول what is this diagno-
sis!! وأنا مش عارف أنا، قمت أبص على الصورة لقيتها follicular
hyperplasia يعني خلايا متكاثرة عادي ولا lymphoma ولا germi-
nal measles رحت رافع إيدي وقتلته simply.. حد فيكو يعرف الـ
diagnosis؟؟ في العالم كله الـ occipital lymph nodes بتكبر بسبب
lymphoma او germinal measles، ماعدا في مصر والدول العربية
يبقى بسبب Pediculosis القمل، لأن القمل حضرتك بتيجي تخرم
فروة الرأس وتشفط الدم وبعدين تعمل «بيبي» على الخرم اللي فيه
bacteria؛ تروح للـ drainage of lymph node تقوم تـ proliferate
تكبر خلاياها عشان تقاوم الـ bacteria. رحلته والبنت موجودة لأن
ده grand round وقتلته pediculosis، قاللي what؟ how do you
know؟؟ قتله simply بالكاميرات دي فليت البنت.. لقينا السبان؛
تعرفوه؟؟ -pediculo- experience of There is no female without
sis. لأن القمل بيحتاج شعر طويل إلا القرعة مايجيلهاش، ولكن now
a days in Egypt الموضوع ده قل أوي، مش بسبب إن البنات اقرعت
أو إحنا بقينا نضاف والعياذ بالله؛ thanks to hejab لأن الحجاب
بيحمي البنات اللي بتقعد جنب بعض وتوشوش بعد، على أيامي
الحجاب ماكانش موجود كانت البنات تيجي تقعد في المدرج قصادي
وهوبا يبجي القمل في وشنا. اوعوا تفتكروا الكلام ده في مصر بس، في
إنجلترا بيوصل لـ ٦٠٪ بين طلاب المدارس.

يبقى كده أنا اديتكم hyperplasia (by bacteria) irritation
(of lymph nodes).

c. Compensatory Hyperplasia

فيه ناس بتختلف عليها هل هي -physiological or pathologi-
cal، ولكن بتوع الـ pathology يقولولك هي pathological، وإن كان
فيه pathologists يقولولك physiological.
طب ما تشرحلنا وإحنا نفهم..

الصورة اللي قصادكم دي X-ray للـ scalp في ولد عنده -hemo-
lytic anemia (Thalassemia major)، normally، أما تيجي تبص

للـ X-ray يطلع خطين بيض بينهم فراغ أسود؛ حد يعرف اسمه إيه الفراغ ده؟ diploic space لأنه بين الـ two tables، الفراغ ده فيه bone marrow، الناس اللي عندهم hemolytic anemias الـ RBCs بتاعتهم بتموت بسرعة؛ الـ life span بتاعهم قليل، في محاولة لتعويض الـ bone marrow بيعمل إيه في الخلايا؟ يزودها عشان يعوض الـ RBCs اللي ماتت قبل معادها، وعشان كده العيال اللي عندهم hemolytic anemia وما بيتعالجوش تلاقي وشهم عامل زي الـ mongol لأن بيبدأ الـ bone marrow يزيد؛ كبرت حجم خلاياه ولا زاد عددها؟؟ زاد العدد.

طب ده physiological ولا pathological؟؟ اللي خلاها تزيد pathological ولكن الهدف كان عشان نرجع الـ physiology وعشان كده كان فيه خلاف عليها، بس بتوع الـ pathology يحبوا يحطوها تبع الـ pathological لأن الـ stimulus كان pathological.

مثال آخر: إحنا في مصر nowadays we are the first country in liver transplantation, we are the pioneers.

أول دولة في العالم زرعت الكبد كانت اليابان وكان أعظم علماء زراعة الكبد في اليابان كان واحد طوله ١٥٠ سم أد كده هو كان اسمه تناكة، أنا قابلته تناكة ده سنة ٢٠٠٩ وكنت بشتغل معاه liver bi-opsy في المركز الطبي العالمي وعمل ١٥ عملية وحلف بعديها طلاق ٣ مايعتبتها تاني لأن الـ ١٥ عملية فشلوا كلهم liver transplantation، أما ببيجي واحد عنده كبد باظ خلاص بياخدوا lobe من الـ donor واونعوا تفتكروا إنه surgical lobe ده vascular lobe، الكبد nor-mally كام vascular lobe؟؟ 8 lobes، فهم بيشيلوا الـ liver القديم وبيحطوا هذا الـ vascular lobe، بعديها لو الأمور مشيت كويس في خلال ٣ شهور الحثة اللي حطوها في الـ recipient تعمل كبد كامل والحتة اللي أخذوها من الـ donor تتعوض، this is compensatory hyperplasia، إزاي؟؟ لأن simply هو أخذ vascular lobe يعني أخذ خلايا بدون ما يعوّز الـ framework فبالتالي مايبقاش فيه transforming growth factor α ويطلع tact لحد ما توصل للكبد الطبيعي، و once إن الخلايا تكاثرت ووصلت للكبد الطبيعي الـ matrix هتطلع transforming growth factor β

ويوقف التكاثر، دي بقى فكرة زراعة الكبد. فيه كثير جدا من الناس متخيلين إن زراعة الكبد ناخذ حته من الكبد واللي يخلي الإنسان يعيش هي الحته دي والتاني يعيش الكبد بتاعه ناقص الحته دي.. NO، الـ **liver transplantation** ده أحسن example على الـ com-pensatory hyperplasia.

بس المشكلة إنه مايبقاش efficient اوي يعني ساعات مايجلس الكلام ده لأن ساعات في الجراحة بيعور الـ framework.

To summarize، في الـ hyperplasia الخلايا زادت في الحجم ولا في العدد؟؟ في العدد. ودي مصيبة لأن الـ pathological hyperplasia سواء كانت hormonal أو irritation أو compensatory معناها الخلايا زادت في العدد، طيب وإنك مالك متضايق؟؟ لأن simply هقولكم إن شاء الله النهارده إن الـ neoplasia خلية اتجننت وبدأت تتكاثر. فدلوقتي الـ hyperplasia خلية بتتكاثر، والـ neoplasia خلية بتتكاثر.. So لازم يبقى فيه اختلاف عشان نعرف نفرق بينهم؛ Hyperplasia is not tumor (not neoplasia).

هل ممكن تفرقوا لي بين Hyperplasia & Neoplasia

Hyperplasia	Neoplasia
excited by stimu- أول نقطة مين فيهم Hyperplasia ؟؟lus	without لكن مين ممكن يبجي لوحده Tumor ؟؟stimulus
lymph node يعني ينفع واحد الـ بتاعته تكبر وتتكاثر من غير ما يبقى فيه التهاب أو bacteria ؟؟ لأ.	لأن الـ tumor خلية بتتجنن لوحديها إحنا بنحاول نـ associate مع حاجة، مين فيكم تخيل إن ٩٩,٩٩٩٪ من اللي بيشربوا سجائر بيجيلهم سرطان ولكن فيه ١ في المليون مايجيلوش سرطان. هل السجائر - is stimulus for bronchi- No ؟؟al carcinoma
So مين فيهم ؟initiated by stimulus Hyperplasia	ومين فيهم ؟not initiated by stimulus Neoplasia

stops after removal of مين فيهم Hyperplasia ?stimulus, شلت المشكلة ترجع لعددتها الطبيعي.	Neopla- ?never stops مين فيهم sia.
Hyper- ?reversible مين فيهم plasia.	Neoplasia ?irreversible ومين فيهم
hyperplasia تحت ال microscope الخلايا بدأت تزيد في العدد لكن شكلها طبيعي، خلية عاقلة مافيهاش hyper- chromatism الي هشرحها بعد شوية.	لكن ال neoplasia الخلايا بقى شكلها abnormal مش طبيعي
Hyperpla- مين فيهم كان له هدف؟ ir- sia، مش هي كانت بتساعدنا؟؟ ال ritation وال compensatory مش كانوا بيساعدونا؟؟ كل ده له هدف.	أمال مين مالهوش هدف وبيموتنا؟ Neoplasia.

Tumor has no rule, Tumor proliferates and continues to proliferate and never stops proliferation even after the death of the host

هدفه الوحيد يتكاثر وعمره ما هي stop يتكاثر.

I'm not discussing now the etiological aspects of neoplasia
دي إزاي بدأت تتكاثر؟ إيه ال stimulus؟؟ هو أكيد فيه stimulus ولكن until لم
يكتشف العلم ال exact etiological stimulus for neoplasia.

وأنا اديتك المثال صراحة وقتلتك ٩٩% من الي بيشرى سجاثر بيجيلهم سرطان ولكن ١
في المليون بيشرى ومش بيجيله، فبالتيالي الي يتخيل إن السجاثر تسبب سرطان الرئة يبقى
حمار، السجاثر predisposing factor وليست etiological agent، ال etiology لو موجود
لازم يحصل ١٠٠%.. وصلت المعلومة؟؟

So إيه الفرق بين hyperplasia & neoplasia؟؟

هذا الجدول الرهيب بينزل بـ ٥ درجات.

Hyperplasia	Neoplasia
Excited by stimulus	Not excited by stimulus
Reversible	Irreversible
Proliferated cells are normal-shaped	Proliferated cells are abnormal-shaped (in case of malignant neoplasia)
Useful	Harmful

مين فيهم يقلب لمين؟؟ Hyperplasia to Neoplasia، ممكن واحد فيكم بيدأ حياته نشيط والهدف يبقى دكتور شاطر، ولكن من فرط النشاط يتجنن فيلم ورق من الشوارع ويلم أكياس.. آه والله رحمة الله عليه.

نسبة الـ schizophrenia بين طلبة طب ٦٠٪ وكثير منكم بدأ يعاني من الأعراض.

فهمتوا؟؟ أنا بديكم امثال عشان أفهم إن الـ hyperplasia دي stage قبل الـ neoplasia، فاديتكم مثال إن واحد بيدأ نشيط وله هدف ومن كتر الـ stimulus يفرط.. هي دي الـ neoplasia.

يحكي في قديم الزمان كان ليا صديق أكبر مني بسنين كنت أنا في ٥ وهو اتعين مدرس مساعد باطنة وكان أول دفعته رحمة الله عليه، وكان داخل على امتحان دكتوراه وهو شاطر جدا كان فيه كتاب اسمه Cecil في الباطنة ٤٠٠٠ صفحة وكنت أنا بمسك الـ index وأقوله صفحة ٣٢٩٠ سمع.. فيسمع كانت عنده القدرة إنه يسمع فعلا..

وبعدين في آخر أيامه لقيناه يبقى ماشي معانا يوطي يجيب ورق من الأرض؛ نقوله فيه إيه؟ يقول أصل ممكن دكتور من الي هيحط أسئلة الدكتوراه يكون كتب سؤال ورماله في الأرض!! كلام يعتبر مقنع شوية..

شويتين بدأ يهمل في نفسه ويشوف hallucinations ومع أول علاج بالـ ECT قلبه وقف ومات رحمة الله عليه.

بلاش تحملوا نفسكم فوق طاقتكم لا تفرطوا زي الـ hyperplasia، ذاكروا ومايهمكوش ولكن ماتذاكروش ومايهمكوش هتسقطوا!!

الـ hyperplasia is precancerous، الخلية بتحاول تتكاثر والموضوع مافيهوش stimulus فبدأت تتجنن، والـ hyperplasia هي بداية البوظان لأن الخلايا بدأت تزيد في العدد.

إيه الفرق بين الـ stimulus الي يعمل atrophy أو hypertrophy أو hyperplasia أو الـ stimulus يبقى -severe الـ Severity & Duration of stimulus، كل ما الـ stimulus يبقى -severe كل ما يقلب للحاجات الثانية؛ كل ما يبقى more prolonged كل ما يقلب للحاجات الثانية..

وبعد ما خلصنا الـ hyperplasia هندخل على أحسن منها وأوحش منها..

Metaplasia

طبعا من غير ما أقول هتكتبوا عليها category A..

ال metaplasia معناها بالعربي التحور وليس التحول.

هو فيه فرق بين التحور والتحول؟؟

إحنا أخذنا لفظ حورية فين؟ في الحشرات.

الفراشة بتبقى بيضة دودة شرنقة جواها حورية وبعد كده تطير، ولكن العامل المشترك بين البيضة والدودة والحورية والفراشة هو حشرة.

يعني إيه؟؟

التحور هو اختلاف الشكل ولكن ضمن المجموعة، أما التحول فمعناه الفراشة تبقى جاموسة.. مش فاهم.

التحور -افهموه عشان تاخذوا بالكم- هو ال metaplasia..

:Definition

Metaplasia is the transformation of one mature differentiated type of cell into another mature differentiated type of cell of the same category

مش فاهم..

هو خلية كاملة ناضجة تتحول لخلية تانية كاملة ناضجة ولكن من نفس المجموعة؛ اديني example، قبل ما أديكو example هقولكم ليه؟ normally على مستواكم إنتو خلايا جسم الإنسان simply كام مجموعة؟ **٣ مجموعات:**

١. فيه **epithelial cells** الخلايا الطلائية لأنها بت cover الجسم من بره وتـ

line الجسم من جوه، ودي كام خلية جواهم؟ ٣..

a. الجلد وأي خرم فاتح فيه ← squamous.

b. ال urinary tract ← transitional.

c. أي حاجة غير كده ← columnar.

٢. وفيه الحشو اسمه **mesenchymal cells**؛ fibroblasts و chondroblasts

و osteoblasts...

٣. وفيه خلايا اسمها **serosal cells** التي بت line ال serous sacs.

نرجع للـ epithelial..

إحنا عندنا كام خلية epithelial؟ كام mature differentiated epithelial cell؟ squa-
mous و transitional و columnar.

Normally يا دكاترة for example إيه نوع ال epithelium بتاع ال bronchi؟ Co-
lumnar. ولكن أي حد بيشرب سجائر -السجائر irritant بيبي- وأنا شخصيا أول أما شربت
سجائر ما كنتش أقدر أقعد جنب حد بيشرب سجائر لأنها irritant تخش على ال columnar؛
وال columnar ربنا ما خلقهاش تستحمل ال irritation ده؛ فبالتالي كنت أكح وماقدرش آخذ
السيجارة على صدري. وبالتالي مع استمرار ال irritation مالقتش حل غير إن هي تتحول
للنوع اللي يقدر يستحمل أكثر، مين أقوى نوع من أنواع ال epithelium؟ stratified squa-
mous وعشان كده ربنا خلق جلدنا stratified squamous، اتحولت لـ stratified squa-
mous؛ فبقيت أشرب السجائر وما أكحش وأروح نافخها في وش اللي قدامي يكح.. فهمتو
حاجة؟

هي دي حاجة حلوة؟؟ لأ مش حلوة.

ال metaplasia هي the transformation of one mature differentiated type of cell
into another mature differentiated type of cell بشرط: of the same category.

طب ما الأقوى منها bone، ليه ما اتحولتش لـ bone؟ ماينفعش لأن لازم يبقى of the
same category؛ دي ال biological rules.

جميل..

إيه الهدف منها؟

الهدف منها substitution استبدال ال sensitive cells الخلايا الضعيفة لل irritant بخلايا
more resistant تقدر ت withstand تستحمل ال irritation.

طب ما كده تبقى حلوة! لأ مش حلوة، لأن في معظم الأحيان المثال اللي ادتهلكو اللي
هو كان **columnar (single layer)** اتحولت **into stratified squamous (multiple layers)**،
دائما ال metaplasia بيبقى معاها hyperplasia فهي **more precancerous** عن ال hyper-
plasia؛ تقلب سرطان، مش حاجة حلوة.

اديني example عشان أفهم..

ال metaplasia .. ء أنواع.

1. Epithelial Metaplasia

a. أشهر وأهم نوع بيسموه squamous metaplasia.

والتسمية هيتحور لإيه مش هو إيه.

Squamous metaplasia is the transformation of transitional or columnar epithelium into stratified squamous epithelium.

ليه؟ عشان يستحمل.

- الصورة اللي قدامكو دي أول example، اللي إنتو شايفينه ال dia-gram ده عبارة عن columnar cells (single layer) في الناس اللي مش مدخنين اللي ماعندهم Chronic Bronchitis بسبب السجائر، لو فضل يشرب سجائر هتلاقي إنها اتحورت into multiple layers of stratified squamous؛ دي اسمها squamous metaplasia in the trachea and bronchi في الناس اللي عندهم **Chronic Bronchitis**.

ودي خلي بالكو من أحد الأسباب اللي بتخلي من الصعب جدا على المدخن يبطل سجائر، ليه؟ هو أول ما شرب سجائر كان بسهولة ولا قعد فترة؟ قعد فترة عشان يتحول لجلد فيستحمل الدخان. خلي بقى المدخن ده يبطل سجائر، هي ال metaplasia reversible or irreversible؟ Reversible؟ ساعتها بعد مرور أسبوع هيبدا ال stratified squamous يرجع تاني columnar، وال columnar بيبقى فيه cilia؛ فيه cough reflex ال squamous مافيهوش، ساعتها هيلاقى إن فيه بيبى اللي كان بيشربه جوه في الرئة فساعتها ي stimulate ال cough reflex وبعد تبطل السجائر بأسبوع يبدأ المدخن يكح، يقولك الدكاترة دول *** قالولي السجائر وحشة، وأما كنت بشرب سجائر ماكنتش بكح دلوقتي بدأت أكح، أول سيجارة يروح راجعلها يحصل إيه للكحة؟ تقل وتقف ويرجع للسجائر مرة تانية.

شيء طبيعي إن اللي يبطل السجائر يكح لمدة ٢١ يوم بعد تبطل السجائر، وكل ما بيتقدم كل ما ال severity تزيد، ولكن لو عنده قوة

عزيمة وقد يوقفها ساعتها مش هيكل. لأن الـ metaplasia reversible
.reversible ??or irreversible

طيب هل هي اتحولت للنوع اللي يستحمل فخلاص؟؟ لأ ده إنت قربت
من مصيبة، هي دلوقتي بقت active وعملت كده عشان تحاول إنها
تستحمل. طب ما في النهاية هتتجنن أكثر؛ فاهمين حاجة؟ بعد شوية
هتقلب **Squamous Cell Carcinoma** وساعتها تبقى irreversible
كل سنة وإنت طيب!! لأن أول ما يجيله سرطان رئة هيقول أنا غلطان
أنا هبطل بقى؛ نقوله ما كانش ينعز يا حبيبي، carcinoma is irre-
.versible

- مثال ثاني على الـ squamous metaplasia الـ urinary bladder بتاعة
الفلاحين المصريين، normally عندما يُذكر الفلاحين المصريين تُذكر.. الـ
.bilharzia

Normally إيه نوع الـ epithelium في الـ urinary bladder؟ Transi-
tional epithelium. ولكن الفلاحين المصريين الـ mucosa بتاعتهم الـ
transitional بتتخرم من البيض بتاع الـ bilharzia، فساعتها ماتلاقيش
قدامها حل عشان تستحمل التخريم من البيض غير إنها تتحول into
squamous. لو فتحت مثانة بتاعة فلاح مصري عنده bilharzia
هتلاقى جلد من جوه.

- إيه كمان؟ لو جينا لأي female fatty fair fertile above forty؛ أي
واحدة سنها فوق الأربعين سنة وتخينة وبيضاء وشقراء ومربوبة لازم
يبقى عندها **gallstones** حصوة في المرارة، هو normally إيه نوع
الـ epithelium بتاع المرارة؟ Columnar. فساعتها هتلاقي الـ gall-
bladder بتاعتها من جوه جلد وفيه keratin كمان، ده squamous
metaplasia. والـ squamous metaplasia is precancerous لأن هنا
فيه تكاثر في الخلايا فهتقلب بعد شوية بسرطان.

- لو جينا لأي prostitute يعني داعرة..

الدعارة هي التجارة رقم ٣ في العالم، التجارة من حيث الفلوس اللي
بتستخدم فيها والجني منها التجارة رقم ١ هي السلاح ورقم ٢ الأدوية
بتاعتنا إحنا وليس المخدرات ورقم ٤ المخدرات، المخدرات مش بتكسب

زي ما إنتو فاكرين، اللي عايز يكسب يشتغل في أول ٢ اللي إحنا شغالين في ثاني واحدة عشان تبقوا فاهمين، ورأس مال الدعارة مبني على إيه؟ إيه أهم عنصر في تجارة الدعارة؟ هذه الدعارة التي تعمل في صمت..

من كتر ال irritation لل cervix بتاعها normally ال endocervix is columnar ولكن بسبب ال irritation بال DNA of sperms مالاقاش قدامه حل إلا إنه يتحول into stratified squamous عشان يستحمل ولكن في النهاية بيقلب بـ **cancer cervix**، وهنشوف إنه لم ينجح الطب في اكتشاف السرطان في مرحلة الصفر (dysplasia) وإنقاذ حياة أحد من البشر سوى ال prostitute وهكيلكو القصة.

أول نوع من أنواع ال metaplasia ← epithelial لأن هنا هيتحول epi- epithelium into squamous ال epithelium اللي بيتحول؟ Transitional و columnar يتحول into squamous، ليه؟ لأن هو اللي يستحمل أكثر.

ال metaplasia is pathological، مفيش حاجة اسمها physiological metaplasia في جسمنا.

:Leukoplakia

فيه بقى نوع شديد من ال squamous metaplasia..

هو normally ال squamous ليه بيستحمل؟ لأنه multiple layers.

فيه ساعات لو ال irritation كمل يحصل **hyperkeratinization**، normally ال kera- tin ده عبارة عن squamous cells ميتة فبالتالي opaque ماتشوفش الدم من خلالها فتبان أبيض، دي سموها leukoplakia.

بصوا للراجل اللي قدامكو ده، ده كان واحد كل ما ياكل يعض على لسانه؛ ده pro-longed irritation فساعتها الخلايا بدأت تتكاثر hyperplasia، وعشان تستحمل حطت ال keratin فوقها لأنها بتموت أكثر، فبدأنا نشوف **thick irregular white patches** ودي سميناها leukoplakia.

بتحصل فين؟ في أي epithelium on prolonged irritation، فبنلاقيها thick irregular white؛ لأن الخلايا تكاثرت واتحط عليها keratin، ونلاقي ال subepithelium فيه chronic inflammation لأن فيه prolonged irritation.

ال leukoplakia حاجة من ٢..

- في الـ organs الي هي مش squamous زي الـ urinary bladder (transitional) (في الفلاحين المصريين والـ columnar gallbladder) في الستات الي عندها حساوي.. هي بتـ represent squamous metaplasia & hyperkeratinization، فالأول يتحول squamous وبعدين يبجي عليه الـ keratin.
- بردو تبجي في الـ organs الـ squamous زي الـ stratified squamous tongue (keratinized)، بس هنا تمثل squamous hyperplasia واتحط عليها الـ keratin، عشان كده دي خطيرة لأن في كلتا الأحوال precancerous ولا لأ؟ precancerous لأن فيه تكاثر في الخلايا فبعد شوية تقلب سرطان، أي واحد فيكو بيعض على لسانه أما يبجي ياكل لازم يشيل السنة دي لأن ممكن يجيله carcinoma of the tongue. خلي بالكو من استخدامي للألفاظ، أنا ماقلتش يروح يشيلها عشان هيجيله carcinoma of the tongue؛ أنا قلت عشان ممكن يجيله carcinoma of the tongue، لأن مفيش exact etiology لأن سرطان.

الـ epithelial metaplasia أشهر حاجة هي الـ squamous metaplasia ومرحلة منها هي الـ leukoplakia.

b. ثاني نوع من الـ epithelial metaplasia اسمها intestinal metaplasia.

بصوا معايا على الصورة دي؛ الصورة الي قدامكو دي microscopic picture لعيان عنده **Peptic Ulcer**، أكثر حته بتبجي فيها الـ peptic ulcer الـ duodenum يليه الـ stomach، دي في الـ stomach؛ حته متاكلة من الـ mucosa of stomach normally إيه نوع الـ epithelial cells of the stomach؟ Columnar، أي نوع من الـ columnar؟ **Gastric columnar** يعني بتطلع HCl؛ بتطلع حامض و acidic mucus، القرحة حته اتاكلت بسبب الحامض، في محاولة من الخلايا الي جمبها إنها تستحمل بتتحول into **intestinal columnar** الي بتطلع alkaline mucus فيحميها من زيادة الـ HCl، هتلاقوا على الـ edge بتاعتها الخلايا بقت intestinal columnar.

هو إيه الفرق بين الـ gastric & intestinal columnar؟ هو أنا معايا حاجة قست بيها الـ pH حضرتك؟! الخلايا هنا **goblet cells**، هو normaly فيه goblet cells في الـ stomach؟؟ بيسمو ده intestinal metaplasia؛ بتحصل at the edges of peptic ulcer لأن ساعتها بتتحول الخلية

ال columnar من gastric into intestinal، in response، لإيه؟ زيادة
إفراز الحامض hyperacidity.

يبقى أول عيلة من عائلات ال metaplasia ← epithelial، كام نوع خدناه من ال epi-
thelial metaplasia لحد دلوقتي؟ ٢ .. Squamous & Intestinal.

يعني إيه Transformation of columnar or transitional ؟squamous metaplasia
into stratified squamous epithelium زي الي بيحصل في ال trachea وال bronchi وال
bile duct وال urinary bladder ... و vitamin A deficiency طبعا، normally ال vita-
min A بيحافظ على ال integrity of the epithelium وال columnar بالذات، فالناس الي
عندهم vitamin A deficiency بيبقى ده chronic irritation؛ فالخلايا عشان تستحمل
تبدأ تتحول لـ squamous والدليل يا دكتور لو إنت عندك vitamin A deficiency تلاقي
إيدك تقشر لأن بيحصل leukoplakia، وال trachea وال bronchi يتحولوا لـ squamous،
وعشان كده كانوا بيقولوا إن vitamin A بيحمي من سرطان الرئة ولكن دي معلومة مش
صحيحة أوي.

المجموعة الثانية بيسموها mesenchymal metaplasia ...

2. Mesenchymal Metaplasia

حد يعرف ال mesenchymal cells الي في جسمنا؟ زي ال fibroblasts وال
osteoblasts وال chondroblasts ...

a. عشان تفهموها بصوا معايا على هذه الصورة الي هحكيكو قصتها،
الصورة الي قدامكو دي متاخدة لواحد ميت لأن ده كان test driver
يعني سائق تجريبي، أي مهندس أما بييجي يصمم بيعملها حاجة اسمها
ال aeromechanics؛ يعني العربية دي لو مشيت بسرعة كذا واتجاه
الرياح كذا خدت ملف بسرعة كذا و... فالعربية دي المفروض تقلب؛ مين
يقلبها له بقي؟ مين يثبتله إن الفرضية بتاعته دي صح أو غلط؟ ال test
driver، ده اتعرض في حياته لصدمات كتيرة أوي trauma، وفي أحد المرات
مات، فماسابوهوش في حاله بقي؛ صوره وهو ميت، وبعد ما مات
خدوا جسمه وحطوه في حاجة اسمها defleshing cocktail وده tech-
nique بنستخدمه في ال pathology؛ بيشيل ال soft tissue بتاع الجثة،
بنحطه في بانيو كده لمدة ساعة ونص في HCl و nitric oxide يحوهمولك
لهيكل عظمي؛ مايسيبش بس غير ال bone، فده الهيكل العظمي الي

تبقى، بس أنا ملاحظ إن فيه حاجات غريبة هنا في الهيكل العظمي ده، بدراسكو لك skeleton كان فيه عضمة على شكل deltoid كده؟ كان فيه عضمة على شكل triceps؟ كان فيه عضمة على شكل sternomas- toid؟ إيه ده؟ إزاي العضم بقى كده؟؟ هو أنا مش قتلكو إن الراجل ده اتعرض لـ repeated trauma؟ طيب مين الـ mesenchymal cells؟ fibroblasts, chondroblasts, osteoblasts... مين أقوى خلية فيهم تتحمل؟ osteoblasts، بسبب الـ repeated trauma اللي اتعرض ليها في حياته ساعتها اتحولت الـ muscle fibers - واحدة من الـ mesenchymal cells into osteoblasts - cells عشان تتحمل الـ repeated trauma ويسموا هذا الـ condition..

:Localized Myositis Ossificans

وده أحسن example على الـ mesenchymal metaplasia؛ إن يتتحور mesenchymal cell لـ mesenchymal cell تقدر تتحمل الـ prolonged irritation.

وإحنا على فكرة استخدمناها عشان فيه ساعات حاجات معينة بتحصل في الـ vertebral column فمايقدرش يشيل وزن الإنسان فكنا بنحول الـ sacrospinalis لـ column من العضم عشان نخلي العيان يقدر يتحرك ويمشي، بنعمل كده بـ chemical irritation.

b. لاحظنا إن العيانيين اللي عندهم (TB chronic) في الـ intestine ساعتها الـ muscle fibers في الـ wall of stomach & intestine عشان يستحمل الـ irritation بتاع الـ TB بيتحول into bone؛ يحصل ossification.

وزي ما بيقولوا قليل البخت يلاقي العضم في الفشة في الكرشة زي ما إنت عايز يعني يلاقيه في soft tissue، وده له تفسيرين: dystrophic calcification أو mesenchymal metaplasia.

خدنا لحد دلوقتي نوعين من الـ metaplasia: epithelial & mesenchymal، الـ epithelial نوعين: squamous & intestinal، والـ mesenchymal ٢: localized myositis ossificans & ossification of tuberculous lesions.

النوع اللي قبل الأخير.. آخر مجموعة من خلايا جسمنا حاجة اسمها serosal cells.

3. Serosal Metaplasia:

هل ال serosal cells دي epithelial cells؟؟ لأ. طب mesenchymal cells؟
بردو لأ.

Under irritation ال serosal cells تقدر تديك أي نوع خلية في جسم
الإنسان. ال serosal cells دي بت line ال serous sacs، فبالتالي لو اتحورت
serosal cell لأي خلية بنسمي ده serosal metaplasia.

أشهر example الصورة اللي قدامكو دي، دي female؛ لاحظوا إنها وقت ما
بيجيلها الدورة بتنزل دم من سرتها، واحد يقولك إزاي؟ هو ال uterus مخروم
وفاتح على سرتها؟؟

ده مرض اسمه **Endometriosis** يعني وجود ال endometrium خارج
الرحم، وده لحد النهارده سببه مش معروف، أحد النظريات إن ال serosal
cells اللي في ال peritoneum أو ال pleura اتحورت into endometrial tis-
sue & endometrial glands، ولكن تعجز هذه النظرية عن تفسير الصورة
الي فوقها لأن لقينا endometriosis في ال brain، هو فيه serosal cells في
ال brain؟؟ ففي نظريات كتير لكن أنا هنا بديكو example على ال serosal
metaplasia.

ويتبقى آخر نوع من أنواع ال metaplasia بس دي مش normal، ما هو كل ال meta-
plasia is pathological.

4. Tumor Metaplasia:

المفروض إن ال tumor خلية اتجننت فتولد خلايا كلهم من نفس العيلة، فلو
اتجننت squamous cell carcinoma تعمل squamous cell كلهم -squa-
mous cells، اتجننت transitional cells تعمل transitional cell carcino-
ma، اتجننت columnar cells تعمل adenocarcinoma.

ولكن لقينا في بعض ال tumors هي طالعة squamous cell carcinoma
ولكن بعضها عمل columnar malignant فسموها **Adenosquamous**
Cell Carcinoma.

أو بعضها عمل squamous benign فعملت **Adenoacanthoma**.

ودي كلها هتاخدوها بعد كده.

إيه أهمية كده؟ بتفرق.. مين أوحش؟ الـ squamous ولا الـ adenosqua-
Adenosquamous ؟mous

كل ما الـ tumor يحصله metaplasia كل ما الـ prognosis يبقى أوحش،
ولكن مش هتقدروا تفهموه دلوقتي إلا أما ناخد الـ tumors.

خدنا لحد دلوقتي كام acquired growth disturbances؟؟hypertrophy وماكانش له
علاقة أوي بالسرطان، خدنا الـ hyperplasia والـ metaplasia ودول precancerous.
تعالوا للجد بقى..

Dysplasia

اكتبوا عليها category A.

بسبب الـ dysplasia تم إنقاذ حياة الـ prostitutes، ويرجع الفضل فيها لعالم يهودي
أمريكي من أصل يوناني اسمه Papanicolaou، هو الي اخترع الـ Pap smear لإنقاذ حياة الـ
prostitutes وفعلا نجح في إنقاذ حياتهم.

يعني إيه dys؟ يعني وحش، proliferation ؟plasia.

Dysplasia is non-neoplastic (أهم كلمة في التعريف).

يعني إيه non-neoplastic؟؟ يعني reversible. إنتو مش فاهمين أهمية الكلام، يعني
معناها لو اكتشفناها هنا فشلت الـ irritation أو شلتها هتمنع الـ tumor؛ لأن هي تـ pres-
ent الـ tumor.

Dysplasia is a non-neoplastic disordered cell proliferation

يعني الخلايا تكاثرت وبدأ يبقى شكلها وحش، ودي أول مراحل السرطان بجد، بس
هل هي سرطان؟ لأ. بيحصل بسبب الـ prolonged irritation، لأن لو جبت خلية وقعدت
أغلس عليها تمر بمراحل الـ hyperplasia ثم الـ metaplasia وقبل الأخير dysplasia، ولكن
أنا قلت cell proliferation؛ يعني هل الـ dysplasia أشوفها بعيني؟؟ لأ، dysplasia is a
microscopic change، وبالتالي اكتشاف العيانيين في هذه المرحلة صعب.
أحكيلكو قصة اكتشافها..

إنتو عارفين إحنا لسه قالين دلوقتي التجارة رقم ٣ في العالم هي الدعارة، والتجارة دي في الـ 60s كانت هتنتهي من العالم كله، لأن في سنة واحدة في أوروبا الشرقية لوحدها ماتت ١٠٠ ألف داعرة متأثرين بـ **Cancer Cervix**، وإشمعني الـ cervix هو اللي بيزعل كده؟ لأن هو اللي فيه الـ irritation، فساعتها الناس اللي قايمين على تجارة الدعارة دي راحوا لأعظم عالم pathology في هذا العصر وكان هذا الدكتور Papanicolaou، وهو نفسه كان مشارك معاهم بأسهم في هذه التجارة.

قالوله يا Papanicolaou عندنا فيه مصيبة، الداعرات بتوعنا ماتوا والبنيات خايفة تشتغل أحسن يجيلهم cancer cervix، قالهم والله أصل الدعارة وحشة لأن فيه irritation للـ cervix، قالوله آه عارفين، قالهم طيب إيه رأيكو نقول لأي ست ناوية تشتغل الشغلانة دي نشيلها الرحم بالـ cervix قبل ما تبدأ الشغل فبالتالي ما يحصلش irritation وإحنا نشغل ونكسب وما يجيلهمش cancer cervix؟ قالوله إنت أهبل ولا بتستهبل؟! يعني نروح لست عشان نخليها تشتغل في الدعارة نقولها هنعملك عملية نشيلك فيها الرحم عشان ما يجيلكش cancer cervix؟؟ لأ ماينفعش. قالهم خلاص إنتو عاوزين نكتشف السرطان أول ما خلية أو اتنين كده بيدأوا يتكاثروا؟ قالوله آه. قالهم طيب، وطلب منهم يدوله fund فلوس عشان يعمل research ويشوف السرطان ببدا إزاي في الداعرات، فخد منهم ما يقارب ٤ مليون دولار وجالهم بعد سنتين جايب معاه حطة عصاية.. حطة خشبة، أه..

الي قدامكو ده حاجة عاملة زي منقار البطة؛ ده يفتح المهبل اسمه Cusco speculum، والي إنتو شايفينه ده مهبل مفتوح وشايفين هنا حطة خشبة، ده الي جابه Papanicolaou بعد سنتين وخد عليه ٤ مليون دولار، والغريبة مش هو الي اكتشفها ده المساعد بتاعه.

المهم قالوله هي دي أم ٤ مليون؟؟ قالهم آه. قالوله إزاي؟ قالهم مش الداعرة دي بيحصل chronic irritation للـ cervix بتاعها؟ قالوله آه. قالهم طب الخلايا هتمر بـ hyperplasia و metaplasia وبعد شوية تبدأ تتجن فيبقى شكلها وحش، فالي قدامكو ده الـ cervix وأكثر حته بتبقى irritated الـ ectocervix لأن الـ endocervix مقفول، فساعتها من كتر الـ irritation هتبدأ الخلايا بتاعة الـ ectocervix دي تتكاثر ويبقى شكلها وحش؛ بس هنشوف بعينا حاجة؟؟ لأ.

فطلب منهم Papanicolaou من كل داعرة في كل شهر بعد دورتها تقف وتحط رجليها على كرسي، وتدخل حطة الخشبة وتمسح بيها الـ ectocervix، وتروح حطاله الـ smear على slide وتحطه في alcohol وتبعتهوله في جواب. فـ Papanicolaou يبص؛ لو لقي الخلايا شكلها حلو يقولها كملي وليرعاك الرب، لو لقي الخلايا شكلها وحش يقولها تعالي؛ كل اللي يعمله يدوس على الحته دي وياخذها without anesthesia فالخلايا اللي اتجننت تتشال ويقولها

كملي وليرعاك الرب.

بعد تطبيق هذا الـ **Pap smear** سنة ٧٢ لم تمت في أوروبا الشرقية من الداعرات غير ٨ ودول الي ماكانوش بيبعتوا لـ Papanicolaou الـ Pap smear.

فتم اكتشاف الخلايا قبل ما تتجنن وتعملنا سرطان نقدر نشوفه بعيننا..

الـ dysplasia هي non-neoplastic (reversible) disordered cell proliferation الخلايا شكلها وحش microscopically مفيش gross changes.

الـ dysplasia -typically- بنقولها في الـ epithelium لأن أكثر خلايا معرضة لـ irritation هي الخلايا الطلائية لأنها بتحمينا من بره وبت line جسمنا من جوه.

الـ dysplasia هل ليها gross picture؟؟ ممكن أقولكو dysplasia في الـ cervix شكله بعيننا عامل إزاي؟؟ والي عنده dysplasia في جلده أقدر أقولكو شكله عامل إزاي؟؟ ينفع؟ ماينفعش. على طول هنخش على الـ microscopic picture.

الـ dysplasia زي ما شفتو هنا؛ الخلايا شكلها وحش، يعني إيه؟ **Loss of uniformity**. Normally الخلايا كلها شكل بعض وأد بعض، تبدأ الخلايا تبقى كبيرة ومختلفة الأشكال **pleomorphism** pleo- يعني poly morph؛ يعني شكل- واحدة كبيرة وواحدة صغيرة، **hyperchromatism** تبدأ الـ nucleus يبقى لونها غامق لأن الـ DNA بيتكاثر عشان الخلايا تنقسم بسرعة.

وراج Papanicolaou مقسم الـ dysplasia لـ ٣ أنواع:

1. في الأول لو الخلايا الي شكلها وحش خدت 1/3 thickness قال دي تبقى **mild dysplasia**.

2. لو خدت 2/3 thickness قال دي **moderate dysplasia**.

3. لو خدت full thickness بس أهم كلمة ماخرمتش الـ basement membrane يقول عليها **severe dysplasia** الي دلوقتي بقينا نسميها **carcinoma in situ**.

كل ما الفترة بتتأخر كل ما الـ severity بتزيد، الخلايا الي بتتنجنن هي في الأول الي تحت.

Carcinoma in situ هو السرطان جوه الـ epithelium.

لأن إيه الـ prognosis بتاعها؟ في معظم الأحيان mild & moderate dysplasia لو شلت

ال stimulus بتبقى reversible. كان Papanicolaou لو لقي هذه الداعة mild أو moder-ate اديها أجازة لمدة شهر فترجع طبيعية.

لو لقاها severe كان بيروح شايلها الحته دي لأن في معظم الأحيان ماكانش ينفع يريحها.. في معظم الأحيان كانت بتقلب بـ invasive carcinoma، فكان بيخش يلسع الحته دي؛ يحرقها؛ يشيلها، دي مجرد حته لأن هل ال cervix بيحس ال pain؟؟ لو جبت female ولعت في ال cervix بتاعها تقول أي؟؟ ال cervix is insensitive to pain والدليل بنعمل حاجة اسمها كيّ عنق الرحم، ماسمعتوش عنها؟ بيعملوها في هذه ال dysplasia؛ بنجيب الست ونحطها في ال lithotomy position، ونجيب ال Cusco ونفتح وعندنا مكواة ونروح حارقين، فالست بتبقى سامعة الكي.. مابتحسش.

فالبالتالي كان سهل جدا وقف السرطان في هذه المرحلة، ويرجع الفضل لهذا ال Papanicolaou، لأن لم ينجح في اكتشاف السرطان في هذه المرحلة غير في cancer cervix.

هل ال dysplasia مابتحصلش for example في ال urinary bladder في الفلاحين المصريين؟؟ بتحصل، ولكن ماقدرناش نكتشف سرطان ال urinary bladder في الفلاحين المصريين؛ ليه؟ مالهمش لازمة. هو إشمعنى نجح الطب في اكتشاف الرطان في ال prostitutes؟؟ لسببين: الأول لهم أهمية بيجيوا فلوس فبالتالي بيصرف عليهم، الثاني بيسمعوا الكلام؛ أما Papanicolaou قالهم ياختي من لها لازم تعملوا كده عشان مايجيلكيش سرطان عنق الرحم خافوا وسمعوا الكلام، لكن أما جينا للفلاحين المصريين وطلبنا منهم يعملوا micturition كل ٣ شهور قال أنا فاضي بقى أعملهم micturition كل ٣ شهور وأبعثلهم في إزارة!! هو أساسا محدش طلب منه لأن محدش هيدفعله فلوس، مفهوم الي بقوله؟

ال dysplasia بتحصل في أي حته.. في ال gallbladder بتاعة الستات الي عندهم stones، في المدخنين الي بيشرّبوا سجائر، ولم يكتشف السرطان في مرحلة الصفر ولم يتم إنقاذ حياة أحد من البشر سوى ال prostitutes من cancer cervix.

خلي بالكو ال neoplasia مالهش rules، السيناريو ده عشان أسهلك الفهم، فيه ناس ال neoplasia كده من غير dysplasia.

كل الي فات reversible لو شلت ال stimulus يقف، once دخلنا neoplasia بـ stim-ulus أو من غير هي مكملة.

التغير الي قبل الأخير..

Carcinoma In Situ

بيجي سؤال very common في الامتحان، لازم تعرفوا باقي أساميه.. اسمه **carcinoma in situ** و **intraepithelial neoplasia** و **preinvasive malignancy**.. إنت عايز تقول إيه؟

ال carcinoma in situ دي carcinoma يعني neoplasm يعني malignant.

ال carcinoma in situ هي ال preinvasive stage. مش فاهم..

هتعرفوا معايا بعد كده إن كلمة carcinoma يعني epithelial cell اتجننت وعملت tumor ولكن ال epithelium فيه basement membrane، لو الخلايا كلها اتجننت وشكلها وحش بس لسه ماخرمتش ال basement membrane ده يؤثر جدا في مصير هذا العيان، لأن إيه الفرق بين ال epithelium وال subepithelium في كلمة واحدة؟ ال **vascularity**، ال ep-ithelium مافيهوش vessels ولكن ال subepithelium فيه vessels، فلو فيه خلية اتجننت ولسه ال basement membrane intact ومادخلتش في ال subepithelium معناها إنك تشيل local excision؛ فبالتالي العيان يخف. ولكن لو دخلت millimeter معناه إنها تعرف تخرم ال vessels وال lymphatics وتنتشر في الجسم والعيان يموت.

كلمة carcinoma in situ يعني السرطان في مكانه، يعني preinvasive يعني ماخرمتش ال basement membrane.

atypia It is characterized by severe atypia، يعني dysplasia، يعني الخلايا شكلها وحش، يعني درجة ٣، بس أهم كلمة without invasion of basement membrane.

أسأل السؤال اللي بيتسأل وماحدش فيكو بيعرف يجاوبه؟ تفرقوا إزاي بين ال severe dysplasia وال carcinoma in situ تحت ال microscope؟

هو إيه تعريف ال carcinoma in situ؟ هي ال severe dysplasia!! تحت ال micro-scope التفرقة بينهم فلسفية وليست عملية.

مرحلة ال carcinoma in situ هي أشد من ال severe dysplasia لأن الفرق بينهم ال severe dysplasia is reversible لكن ال carcinoma in situ is irreversible.

طب أفرق بينهم إزاي؟ ماعرفش، فبالتالي ال carcinoma in situ هي ال severe dysplasia ولو عاوز تفرق فرق بالفلسفة، ال carcinoma in situ هي ال preinvasive stage، وعشان كده بيسموها preinvasive neoplasia اللي هي characterized by severe atypia يعني severe dysplasia without invasion of basement membrane.

في معظم الأحيان بتبقى زي الـ severe dysplasia بتبقى microscopic change يعني الـ gross change ما أشوفوش ولكن هتلاقوا المؤلف تراجع عن كلامه بعد دقيقة واحدة زي باقي علماء الـ pathology وقالك لأ ده لها gross change، إزاي؟

آدي الي قدامكو دي الخلايا بتبدأ hyperplasia, metaplasia, dysplasia وبعدين تبدأ تملأ كل ده without invasion of basement membrane، دي carcinoma in situ لأنها جوه الـ epithelium ماخرمتش الـ basement membrane.

Normally في معظم الأحيان مانشوفهاش بعينا ولكن فيه بعض العلماء شغلوا مخهم شوية، قالك هو الخلايا مش بدأت تتكاثر؟ آه. فقالوا لو الخلايا زادت في العدد وتكاثرت في حته مزنوقة والـ pressure بينها زاد؛ مش أما تدوس عليها كده تحس **slight induration** يعني نشفان؟ أما تلاقي حد يقولك slight أو mild تعرف إن هو بيهجص، طب أنا هعرف إزاي الـ slight induration؟؟ هحسس بصباغي على جسمه في كل حته؟؟ ماينفعش. ولكن فيه ناس قالوا لأ ده ممكن تعمل mass.

أحسن example للـ carcinoma in situ لسه ماخرمش الـ basement membrane وتعمل mass جوه الـ ducts بتاعة الـ breast، لأن لو جينا في duct of breast هتبدأ الخلايا تتجنن من غير ما تخرم الـ basement membrane بتاع الـ duct فالـ duct يتنفخ فيجي الست تحط إيديها تحس mass. الحالة الوحيدة الي فيها carcinoma in situ الي ممكن نحسها بإيدنا ونشوفها بعينا هي الـ **carcinoma in situ of the breast**، لكن في أي حته تانية الـ carcinoma in situ مانعرفش نشوفها grossly.

تحت الـ microscope الـ carcinoma in situ عبارة عن إيه؟ severe dysplasia، يعني الخلايا فيها **loss of uniformity, pleomorphism, hyperchromatism** لكن أهم كلمة **without invasion of basement membrane**.

:Prognosis

لو شلت الـ irritant ترجع؟ never لأن دي carcinoma يعني neoplasia، once إنك سبتها أو ما شيلتهاش كلها هت invade الـ basement membrane وهتقلب malignancy.

:Sites

١. بنشوفها في الـ **urinary bladder** في حالات الـ **cystitis**.
٢. وفي الـ **gallbladder** في الناس الي عندهم **stones**.
٣. وفي الـ **bronchi** في الي عندهم **bronchitis**.

٤. وفي الـ cervix في اللي عندهم chronic cervicitis.

ده الـ sequence اللي بيقترحه العلماء في الـ tumor وهذا اقتراح.. خلية طبيعية بتبدأ تتعرض لـ irritation فيحصل dysplasia أو metaplasia أو hyperplasia وفي النهاية dysplasia و carcinoma in situ بعد شوية invasion، إنها دخلت الـ subepithelium تخش في الـ blood وتعمل metastasis. ولكن السرطان أجن من إنه يتعمله ...rule

فسألوا دكتور كان مشهور أوي في علم السرطان كان كوري، قالوله what is the only rule of tumors؟ قالهم the only rule is that there's no rule.

فالسرطان لا يتبع أي قاعدة في العالم.

آخر حاجة في الـ disturbance of growth أعظم chapter بقى في المنهج..

(Neoplasia (Tumors

شايفين الراجل اللي وشه في الطبقي اللي قدامكو ده؟ ده عنده tumor، benign ولا malignant؟ هو إحنا عارفين يعني إيه tumor أساسا !!

وده شالوا tumor cystic من مبيض واحدة ست وزنه ١٣٦ كيلو وكان وزن الست بعد استئصاله ٤٨ كيلو، ودائما أقول هم شالو الست من على الـ cyst مش شالوا الـ cyst من الست!

وآدي واحد عنده tumor man وشه سموه tumor man أعرفه شخصيا واللي جنبه دي خطيبته .

وآدي راجل عنده tumor في الـ testis، ويقال إن أحد اللوردات في إنجلترا كان بيحط الـ scrotum بتاعه في عربة بعجل ويزقها قدامه عشان يروح يحضر الاجتماعات.

Tumors are the most humiliating diseases

علم الـ pathology اتعمل عشان يجاوب على السؤال: إيه سبب الـ tumor ونوقفه إزاي ونعالجه إزاي؟ ولم يستطع حتى الآن إنه يجاوب على السؤال.

:Definition

الـ tumor باللغة اللاتينية هو الـ neoplasm.

اللي عرف ال tumor وسماه neoplasm كان واحد اسمه Von Hanseemann وده كان ألماني، neo يعني new؛ ال neoplasm هو new growth الخلية اتجننت وبدأت ت-prolifer- forming abnormal mass، ال mass دي مش حته من جسمنا ومكونة من uncon-trolled self-controlling autonomous لا يتحكم في تكاثرها سوى هواها، ومفيش في الدنيا أضل من واحد ما عندوش مبدأ غير مزاجه؛ تيجي تقوله الدين يقولك وأنا مالي بالدين تقوله الأخلاق يقولك ما عرفهاش تقوله بتعمل كده ليه يقولك مزاجي مالكش دعوة.. مفيش في الدنيا ضلال أكثر من اللي بيتبع هواه.

Neoplasm is a new growth forming abnormal mass formed of unlimited self-controlling autonomous cell proliferation independent of stimuli

الخلية اتجننت وبدأت تتكاثر من غير stimulus فعملها ما هت stop.

العلم اللي بيدرس ال tumors هو علم ال oncology؛ onco يعني tumor..

نكمل الحصة الجاية.